

百姓逃竄鰲條議利害巡撫不以聞乃發驛
傳羨餘以備供應里甲派額一切蠲免民甚
德之

黃憲清晉江人由舉人萬曆十三年任同知持
已廉潔御下嚴肅撫卹軍士周悉民隱吏胥
畏懾奉法以子汝良貴贈宮保

周邦爵湖廣施州人由歸德通判擢欽守聿修
前守善政黜煩瑣樂寧靜忠誠化下刑清訟
理遷黷序以振士風敷惠澤以康兆庶於天

廣州府志
卷之九
三
涯亭有遺愛焉

鄭抱素湖廣黃岡人由官生于崇禎八年知廉
州府公平慈惠政簡刑清與學課士每遇朔
望必親至明倫堂集府縣二學諸生命題課
藝等第獎賞示勸捐金刻鐫廉誌修復惠民
橋以利病涉士民仰之建祠於三官樓橋首
劉襄字磐石荊州人三科武舉天啓六年爲欽
依把總於欽州大營饒有將才善方畧驍勇
過人精武藝時山賊倡獮襄身先士卒直搗

巢穴擒賊黃廣鑑陸世盍蒙召塘甯一龍等有功當道推重交薦因剿賊感冒暑毒病卒成神顯靈異常欽人立祠肖像祀於關帝廟旁每出兵祭纛呼之則助陣勝敵

楊爲楨雲南太和舉人崇禎二年任欽州渾厚精明爲政有體重道崇儒公暇集諸生講學課藝作養人材嚴禁冒籍詳分土附議建塔於陽江之岡以培風水已成塔脚惜庫吏乾沒塔銀中止又建三元閣於文昌閣前設復

平南浮橋通濟往來後陞陝西鞏昌府同知
欽人立祠於渡頭祀之

許啟洪字任宇宜興舉人崇禎十五年由遂昌
知縣陞欽州稟性直諒嚴峻寓撫字於催科
禁差役嚴吏書德政難舉有無訟風暇多吟
咏講學誨士後陞惠州府尋陞廣東提學副
使欽人立祠於城內對陽坊

國朝

楊模聖江南鳳陽府懷遠縣人由進士于順治

八年任廉州府事清靜明決時當土弁縱橫
斯民饑饉城郭空虛模竭力撫綏開誠布公
單騎招諭自携蔬糧不受民間一粒總以愛
民養士爲心在任七年以地方失守罷去士
民攀轅哭送下車泣別囑曰氣死莫告狀餓
死莫做賊二語至今傳頌焉

李善篤河南人由進士順治十七年任廉州司
李清操如水與士子講學課藝歷任未幾卒
於官惜哉

張應科順天固安人已亥進士宰合浦七年清
正剛直實心爲民康熙元年內差遷界竭力
維持保全甚多解組歸日士民扳轅涕泣不
忍言別至今猶思慕焉

郡人裴玠有詩贈
別見詩賦集

孫裔昌山東濟寧人由貢生于順治十八年任
廉州府時驚鴻甫集加意拊循興學校講六
箴禁悍兵汰蠹弊嚴行保甲團練修葺東西
城樓值遷界禁嚴與大人巡行邊海不輕
假以夫力不煩索以供應憫百姓疾苦凡里

役供給者盡發還于民間去任之日士民立碑頌德焉

郭昌河南太康人戊戌進士順治十八年任廉府司李廉以持己明以聽訟尤加意士子訓迪有方迨徵調赴省審理

欽件案無畱牘事無遁情遐邇咸頌神君美蹟彰彰在人耳目間也內陞戶部主政復遷本部郎中壬子典廣東鄉試主考尋陞雲南督學道

徐化民遼東人由貢士康熙六年補任府正蒞任之初地方瘡痍未起城內外僅草屋數家道路無墟市公商之總鎮張偉相與捐金多構茅廛召集流亡居住禁革一切力役東自新墟公館開口等處以及郡城關廂來歸者踵相接方基年士庶歌之曰廉州府莫道苦今有廉人徐父母時邊界方嚴每編修排柵必身先焉康熙八年展界招撫流移不數月幾復聚請開鹽田殘竈獲甦嚴海禁飭保甲

閩屬賴以安堵尤銳意鼓舞學校設義學以
養士課試至公至明力請學憲復進取額由
是入泮觀場較昔有加士論德之至於稟性
廉朴賑施貧窶平買什物御下寬嚴相濟聽
訟惟尚寬和屬員懷畏商民悅服若夫葺城
池修文廟建復亭觀公廨捐築邊防城垣亭
寨招納流孽安插難民督催糧哨戰船見之
案牘爛然可紀且纂修郡志於兵燹之餘文
獻賴以不墜者公之力也

廣州府志
卷之六
喻三畏字念茲號同人遼東鐵嶺人祖籍江西
吉水由拔貢初任陝西鳳翔府別駕歷列首
薦賢聲丕著洪閣部

題請督兵湖廣兵懾威民懷德順治十七年任
欽州守居心平恕潔已愛民革里甲之陋規
除積年之蠹害兵火之後時值歲饑恤災停
徵申詳荒田奉

題蠲免民命賴甦功德彌天催科撫字並行善
政難以枚舉其尤著者創建學宮復明倫堂